

ხელშეკრულება №573

(სახელმწიფო შესყიდვების შესახებ)

ქ. თბილისი

“ 1 ” სექტემბერი “2014წ.

ერთის მხრივ, სსიპ „ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი“ (შემდგომში „შემსყიდველი“) მისი გენერალური დირექტორის მოადგილის ეკატერინე ქავთარაძის და მეორეს მხრივ სს მ. იაშვილის სახ. ბავშვთა ცენტრალური საავადმყოფოს გენერალური (შემდგომში „მიწოდებელი“) დირექტორი შოთა ჯოგლიძე ვაფორმებთ წინამდებარე ხელშეკრულებას „ჯანდაცვის სფეროს მომსახურებების“ (CPV 85100000) შესყიდვაზე.

1. ხელშეკრულების საგანი

1.1 „დაავადებათა ადრეული გამოვლენა და სკრინინგის“ სახელმწიფო პროგრამის „ბავშვთა ასაკის განვითარების შეფერხება, დაავადებათა ადრეული გამოვლენა და სკრინინგის“ კომპონენტის ფარგლებში „0-6 წლამდე ასაკის ბავშვთა განვითარების შეფერხების სკრინინგის“ მომსახურების სახელმწიფო შესყიდვა.

2. ხელშეკრულების ღირებულება

2.1 ხელშეკრულების საერთო ღირებულება შედგენს 30 153,00 (ოცდაათათას ასორმოცდაცამეტი) ლარს, მ.შ. თვეში გასაწევი მომსახურების ღირებულება შეადგენს 10,051.00 (ათიათას ორმოცდათერთმეტი) ლარს.

3. ხელშეკრულების საფუძველი

- 3.1. „საქართველოს 2014 წლის სახელმწიფო ბიუჯეტის შესახებ“ საქართველოს კანონი.
- 3.2. „სახელმწიფო შესყიდვების შესახებ“ საქართველოს კანონი.
- 3.3. „გამარტივებული შესყიდვის, გამარტივებული ელექტრონული ტენდერისა და ელექტრონული
- 3.4. ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანება.
- 3.5. “იმ სახელმწიფო პროგრამების/მათი ღონისძიებების/მოცულობების განსაზღვრის შესახებ, რომელთა განხორციელებაც სახელმწიფოს მიერ 2013 წელს ნაკისრი ვალდებულებების შესასრულებლად უწყვეტად გაგრძელდება საქართველოს შრომის, ჯანმრთელობისა და სოციალური დაცვის სამინისტროს სისტემაში განსახორციელებელი 2014 წლის შესაბამისი ჯანმრთელობის დაცვის სახელმწიფო პროგრამების დამტკიცებამდე ან/და „სახელმწიფო შესყიდვების შესახებ“ საქართველოს კანონის მოთხოვნათა შესრულებამდე, ან ვაუჩერის პირობების შესაბამისად, შესაბამისი მიწოდებლების გამოვლენამდე” 2013 წლის 31 დეკემბრის საქართველოს მთავრობის №397 დადგენილება (შემდგომში – „დადგენილება“).
- 3.6. „დაავადებათა ადრეული გამოვლენა და სკრინინგის“ სახელმწიფო პროგრამა.

4. ხელშეკრულების ობიექტი

4.1. ხელშეკრულების (შესყიდვის) ობიექტია: „დაავადებათა ადრეული გამოვლენა და სკრინინგის“ სახელმწიფო პროგრამის „ბავშვთა ასაკის განვითარების შეფერხება, დაავადებათა ადრეული გამოვლენა და სკრინინგის“ კომპონენტის ფარგლებში „0-6 წლამდე ასაკის ბავშვთა განვითარების შეფერხების სკრინინგის“ მომსახურება (შემდგომში „მომსახურება“):

4.1.1 0-6 წლამდე ასაკის და დღენაკულ ბავშვთა გლობალური განვითარების, სასკოლო მზაობის შეფასებისა და პრობლემების იდენტიფიკაციის მიზნით უზრუნველყოფილ უნდა იყოს (ბენეფიციართა საპროგნოზო რაოდენობა - 720, შემდეგი სერვისის მიწოდება:

ა) ჯანმრთელობის მდგომარეობის შეფასება (ხელოვნური კოდი - 1312101, ერთეულის ღირებულება - 10 ლარი) - საპროგნოზო რაოდენობა თვეში - 240;

ბ) მხედველობის სკრინინგი (ხელოვნური კოდი - 1312102, ერთეულის ღირებულება - 5 ლარი) საპროგნოზო რაოდენობა თვეში - 112;

- გ) სმენის სკრინინგი (ხელოვნური კოდი - 1312103, ერთეულის ღირებულება - 5 ლარი) - საპროგნოზო რაოდენობა თვეში - 112;
- დ) ფიზიკური განვითარების შეფასება WHO ზრდის მრუდების მეშვეობით, საჭიროების შემთხვევაში ნუტრიციული სტატუსის შეფასება (ხელოვნური კოდი - 1312104, ერთეულის ღირებულება - 19 ლარი) - საპროგნოზო რაოდენობა თვეში - 240;
- ე) მშობლის კონსულტირება ბავშვის განვითარების ხელშეწყობის, მოვლის, კვების საკითხებზე (ხელოვნური კოდი - 1312105, ერთეულის ღირებულება - 3 ლარი) - საპროგნოზო რაოდენობა თვეში - 240;
- ვ) საჭიროების შემთხვევაში - ნევროლოგის კონსულტაცია (ხელოვნური კოდი - 1312106, ერთეულის ღირებულება - 5 ლარი) - საპროგნოზო რაოდენობა თვეში - 91;
- ზ) საჭიროების შემთხვევაში ფსიქოლოგის კონსულტაცია (ხელოვნური კოდი - 1312107, ერთეულის ღირებულება - 5 ლარი) - საპროგნოზო რაოდენობა თვეში - 64;
- თ) განვითარების პრობლემების მქონე ბავშვების განმეორებითი ვიზიტი - პაციენტებს, რომელთაც გამოუვლინდებოდათ განვითარებისა და/ან ქცევის დარღვევა შესაბამისი რეკომენდაციების და ინტერვენციულ პროგრამებში ჩართვის პარალელურად განმეორებით უნდა ჩაუტარდეთ განვითარების შეფასება განვითარების პროგრესის მიზნით (ხელოვნური კოდი - 1312108, ერთეულის ღირებულება - 5 ლარი) - საპროგნოზო რაოდენობა თვეში - 14;
- ი) 5-6 წლამდე ასაკის ყველა პაციენტთან - სასკოლო მზაობის ტესტი, ოფთალმოლოგის კონსულტაცია (უნდა განხორციელდეს: მხედველობის სიმახვილის განსაზღვრა) და სმენის ინსტრუმენტული სკრინინგი (ხელოვნური კოდი - 1312109, ერთეულის ღირებულება - 4 ლარი) - საპროგნოზო რაოდენობა თვეში - 84;
- კ) დღენაკლულ ახალშობილთა განვითარების სკრინინგი ორჯერადად (ხელოვნური კოდი - 1312110, ერთეულის ღირებულება - 5 ლარი) - საპროგნოზო რაოდენობა თვეში - 10 ახალშობილი ;
- ლ) დღენაკლულ ახალშობილთა განვითარების მეორადი სკრინინგი (ხელოვნური კოდი - 1312111, ერთეულის ღირებულება - 5 ლარი) - საპროგნოზო რაოდენობა თვეში - 4.
- 4.1.1.1. საპროგნოზო რაოდენობის ცვლილება თანხის თვის ლიმიტის ფარგლებში დასაშვებია.
- 4.1.1.2. გამოსაკვლევი პირებისთვის პირველადი სკრინინგის ჩატარება ერთჯერადად, მაგრამ პაციენტებს, რომელთაც გამოუვლინდებოდათ განვითარებისა და/ან ქცევის დარღვევა შესაბამისი რეკომენდაციების და ინტერვენციულ პროგრამებში ჩართვის პარალელურად განმეორებით უნდა ჩაუტარდეთ განვითარების შეფასება განვითარების პროგრესის მიზნით;
- 4.1.1.3. სკრინინგის შედეგების სტატისტიკური ანალიზი და შედეგების წარმოდგენა ეპიდემიოლოგიური ანალიზის სახით.

5. შესყიდვის ობიექტის ხარისხი

- 5.1. შესყიდვის ობიექტის ხარისხი უნდა შეესაბამებოდეს ხელშეკრულებაში გათვალისწინებულ მოთხოვნებს.
- 5.2. „მომსახურების“ უზარისხობის შემთხვევაში „შემსყიდველი“ წერილობით აცნობებს „მიმწოდებელს“ წუნდების მიზეზების მითითებით. „მიმწოდებელი“ საკუთარი სახსრებით უზრუნველყოფს შესყიდვის ობიექტის ნაკლის აღმოფხვრას „შემსყიდველის“ ინტერესების გათვალისწინებით.

6. შესყიდვის ობიექტის მიწოდების ადგილი, ფორმა და ვადები

- 6.1 „მომსახურების“ გაწევის ვადაა 2014 წლის 1 სექტემბრიდან 2014 წლის 30 ნოემბრის ჩათვლით.
- 6.2 „მომსახურების“ მიწოდების ადგილი - საქართველოს ტერიტორია;
- 6.3 გაწეული მომსახურების ანგარიშგების ადგილი - თბილისი, მ. ასათიანის ქ. #9, სსიპ ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი.
- 6.4 გაწეული მომსახურების ანგარიშგების ფორმა - საქართველოს შრომის, ჯანმრთელობისა და სოციალური დაცვის სამინისტროს ჯანდაცვის დეპარტამენტთან შეთანხმებით შემსყიდველის ინდივიდუალური ორგანიზაციულ-სამართლებრივი აქტით დამტკიცებული ფორმები და მათი შევსების ინსტრუქცია, რომელიც განთავსებულია/განთავსდება ცენტრის ოფიციალურ ვებგვერდზე www.ncdc.ge.

6.5 „მომსახურების“ ანგარიშგება ხორციელდება დადგენილების მე-9 მუხლით განსაზღვრული ვადებისა და პირობების შესაბამისად.

7. შესყიდვის ობიექტის მიღება-ჩაბარების წესი

7.1 „მიწოდებელი“ ყოველთვიურად წარმოადგენს ანგარიშს ნაბეჭდი და ელექტრონული (Sylfaen) სახით მის მიერ საანგარიშგებო გაწეული „მომსახურების“ შესახებ, ხელშეკრულების „6.4“ და „6.5“ პუნქტებით განსაზღვრული პირობების შესაბამისად.

7.2 „მიწოდებელი“ „შემსყიდველის“ მოთხოვნის შემთხვევაში ვალდებულია წარმოადგინოს სრული წერილობითი ინფორმაცია „მომსახურების“ მიმდინარეობის შესახებ.

7.3 „მიწოდებელი“ სრულად აგებს პასუხს მის მიერ მიწოდებული ანგარიშების უტყუარობაზე. „მიწოდებელი“ ადგილზე ინახავს ანგარიშებს და პირველად დოკუმენტაციას დადგენილი წესის შესაბამისად. საჭიროების შემთხვევაში პირველივე მოთხოვნისთანავე წარუდგენს „შემსყიდველს“.

7.4 არასწორად, არასრულად ან არაკორექტულად წარმოადგენილი ანგარიშსწორების ფორმა უბრუნდება „მიწოდებელს“ მის საბოლოო შესწორებამდე, ამასთან შედეგებზე იგი პერსონალურად აგებს პასუხს.

7.5 „შემსყიდველისა“ და „მიწოდებელს“ შორის მომსახურების შესრულებაზე ყოველთვიურად განხორციელდება მიღება-ჩაბარების აქტის გაფორმება სამ ეგზემპლარად, რომელთაგან ორი რჩება შემსყიდველთან, ხოლო ერთი ეძლევა მიწოდებელს.

7.6 „შემსყიდველი“ ითვალისწინებს, რომ „მიწოდებლისათვის“ სრულადაა ცნობილი დასახული ამოცანები და მათ შესასრულებლად გამოსაყენებელი ნორმატიული დოკუმენტაცია.

8. ანგარიშსწორების წესი, ფორმა და ვადები

8.1 ანგარიშსწორების ფორმა - უნაღდო ანგარიშსწორება.

8.2 ანგარიშსწორება განხორციელდება ლარებში.

8.3 ანაზღაურება განხორციელდება მე-2, მე-6 და მე-7 მუხლებით გათვალისწინებული პირობების დაცვით, ფაქტიურად გაწეული მომსახურების მოცულობის და მომსახურების ერთეულის ღირებულების შესაბამისად.

8.4 ანაზღაურება მოხდება შესყიდვის ობიექტის მიწოდებისა და ყოველთვიური მიღება-ჩაბარების აქტის ხელმოწერის შემდეგ 10 სამუშაო დღის განმავლობაში, მოქმედი კანონმდებლობით დადგენილი პროცედურის დაცვით.

9. მხარეთა უფლება-მოვალეობები

9.1 „შემსყიდველი“ ვალდებულია:

9.1.1. აცნობოს „მიწოდებელს“ ყველა მომხდარ ცვლილებათა შესახებ, რომელიც პირდაპირ ან ირიბად შეიძლება ეხებოდეს ხელშეკრულების პირობებს.

9.2 „მიწოდებელი“ ვალდებულია:

9.2.1 მიაწოდოს „შემსყიდველს“ „მომსახურება“, რომელიც სრულად შეესაბამება ხარისხით და სხვა ყველა მონაცემებით „შემსყიდველის“ დაკვეთას.

9.2.2 აცნობოს „შემსყიდველს“ ყველა იმ ცვლილებათა შესახებ, რაც პირდაპირ ან ირიბად ეხება ხელშეკრულებას.

9.2.3 დროულად შეასრულოს ხელშეკრულებით ნაკისრი ყველა ვალდებულებანი.

9.3 „შემსყიდველი“ უფლებამოსილია:

9.3.1 მოითხოვოს „მიწოდებლისაგან“ ხელშეკრულების ყველა პუნქტის უცილობელი შესრულება.

9.3.2 უარი განაცხადოს ხელშეკრულების პირობების შესრულებაზე იმ შემთხვევაში, თუ „მიწოდებელი“ დაარღვევს ხელშეკრულებით ნაკისრ ვალდებულებებს ან მის წინაშე დადგება დაუძლეველი ძალა.

9.3.3 არ სცნოს „მიწოდებლის“ არცერთი ვალდებულება, რომელიც არაა განსაზღვრული ამ ხელშეკრულებით.

9.4 „მიწოდებელი“ უფლებამოსილია:

9.4.1 მოითხოვოს „შემსყიდველისაგან“ მის მიერ მიწოდებული „მომსახურების“ ღირებულების ანაზღაურება ხელშეკრულებით გათვალისწინებული ოდენობით.

9.4.2 განაცხადოს უარი ხელშეკრულების შესრულებაზე ან მის გაგრძელებაზე, თუ „შემსყიდველის“ მიერ სახელშეკრულებო პირობების შეუსრულებლობის გამო მისთვის შეუძლებელი ხდება „მომსახურების“ მიწოდება ან მის წინაშე დადგა დაუძლეველი ძალა.

9.4.3 აწარმოოს მოლაპარაკება „შემსყიდველთან“ სახელშეკრულებო პირობებში კანონით დაშვებული ცვლილებების შეტანისათვის.

9.4.4 მიმართოს სასამართლოს ან სხვა ორგანოებს „შემსყიდველის“ მიერ ხელშეკრულების პირობების დარღვევის გამო.

9.4.5 მოითხოვოს „შემსყიდველისაგან“ რეალური ზარალის ანაზღაურება, რაც გამოიწვია მისი მხრიდან ამ ხელშეკრულების პირობების დარღვევამ.

10. ხელშეკრულების პირობების შეუსრულებლობა (პირგასამტეხლო)

10.1 ხელშეკრულებით ნაკისრი ვალდებულების შეუსრულებლობის ან/და არაჯეროვნად შესრულებისათვის „მიმწოდებელს“ ეკისრება პირგასამტეხლოს გადახდა.

10.2. ხელშეკრულებით ნაკისრი ვალდებულების შეუსრულებლობის და/ან იმ შემთხვევაში, თუ მიმწოდებელმა პროგრამით გათვალისწინებულ მომსახურებაზე უარი განუცხადა პროგრამის მოსარგებლეს ან მომსახურება გაუწია დაგვიანებით (მისგან დამოუკიდებელი მიზეზების გარდა), ან არასრულად, ან უხარისხოდ „მიმწოდებელს“ ეკისრება პირგასამტეხლოს გადახდა გასაწევი/გაწეული „მომსახურების“ ღირებულების სამმაგი ოდენობით.

10.3 ხელშეკრულებით გათვალისწინებული სხვა პირობების დარღვევის შემთხვევაში, „მიმწოდებელი“ იხდის პირგასამტეხლოს ხელშეკრულების ღირებულების 5%-ის ოდენობით.

10.4. იმ შემთხვევაში თუ „მიმწოდებელი“ უარს განაცხადებს ხელშეკრულების შესრულებაზე (მ.შ. შემსყიდველისათვის 2 თვით ადრე წერილობითი შეტყობინების გარეშე სახელმწიფო პროგრამიდან გასვლის შემთხვევაში) იხდის პირგასამტეხლოს ხელშეკრულების ღირებულების სამმაგი ოდენობით.

10.5. იმ შემთხვევაში, თუ პირგასამტეხლოს ჯამური თანხა გადააჭარბებს ხელშეკრულების ღირებულების 10%-ს შემსყიდველს უფლება აქვს ცალმხრივად შეწყვიტოს ხელშეკრულება და მოითხოვოს მიყენებული ზარალის ანაზღაურება.

10.6 საჯარიმო სანქციების გადახდა არ ათავისუფლებს „მიმწოდებელს“ ძირითადი ვალდებულებების შესრულებისაგან.

10.7. „შემსყიდველს“ შეუძლია ასევე მთლიანად ან ნაწილობრივ შეწყვიტოს ხელშეკრულება, „მიმწოდებლისათვის“ ვალდებულებების შეუსრულებლობის წერილობითი შეტყობინების შემდეგ:

10.7.1. თუ „მიმწოდებელს“ ხელშეკრულებით გათვალისწინებულ ან „შემსყიდველის“ მიერ გაგრძელებულ ვადებში არ შეუძლია მიაწოდოს „მომსახურება“;

10.7.2. თუ „მიმწოდებელს“ არ შეუძლია შეასრულოს ხელშეკრულებით გათვალისწინებული რომელიმე ვალდებულება, რომელიც ცვლის პირობებს, რის გამოც ვერ განხორციელდება „მომსახურების“ მიწოდება სრულად ან დადგენილ ვადებში;

10.7.3 თუ ხელშეკრულების შესრულების გაგრძელება მიზანშეუწონელია „შემსყიდველის“ ფინანსური ინტერესებიდან გამომდინარე.

10.7.4. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

10.7.5. „მიმწოდებლის“ გაკოტრების შემთხვევაში.

10.8. ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისაგან.

10.9 „მიმწოდებელი“ იღებს ვალდებულებას უზრუნველყოს პირგასამტეხლოს თანხის გადახდა წერილობითი შეტყობინების მიღებიდან 10 (ათი) დღის განმავლობაში.

11. დაუძლეველი ძალის მოქმედება

11.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველ გარემოებათა შედეგი.

11.2. ამ ხელშეკრულების მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „მიმწოდებლის“ შეცდომებსა და დაუდევრობასთან და მას გააჩნია წინასწარ გაუთვალისწინებელი ხასიათი. ასეთი გარემოება შიძლება გამოწვეული იქნას საბრძოლო

მოქმედებებით, წყალდიდობით, ეპიდემიით, კარანტინით, და სხვა მასთან გათანაბრებული მოვლენებით. რომელსაც ცნობენ მხარეები.

11.3. დაუძლეველი გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება აღწერილობით გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობათა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან დაუძლეველი გარემოებების ზეგავლენისაგან.

11.4. დაუძლეველი ძალის არსებობა, უკიდურეს შემთხვევათა გარდა, უნდა იყოს დადასტურებული ოფიციალური ორგანოების მიერ, პრესის ან სხვა მხარეებისათვის მისაღები ფორმით.

12. სადაო საკითხების გადაწყვეტა

12.1. „შემსყიდველმა“ და „მიმწოდებელმა“ უნდა იხმაროს ყველა ღონე, რათა მათ შორის, ყველა თანხმობა და დავა, წარმოქმნილი ხელშეკრულების ან მასთან დაკავშირებული სხვა კომპონენტის ირგვლივ, მოაგვარონ მოლაპარაკების წესით.

12.2. თუ „შემსყიდველი“ და „მიმწოდებელი“ ვერ შეძლებენ სადაო საკითხის მოგვარებას მოლაპარაკების გამართვის შემდეგ, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს სასამართლოს, რის შესახებაც იგი წინასწარ აცნობებს მეორე მხარეს.

13. გამოსაყენებელი სამართალი

13.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

14. ხელშეკრულების ენა

14.1. ხელშეკრულების ენაა ქართული. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა შეესაბამებოდეს სახელშეკრულებო პირობებს.

15. ურთიერთობა მხარეებს შორის

15.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული ფოსტის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

15.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

16. მხარეთა პასუხისმგებლობა ხელშეკრულების პირობების დარღვევისათვის

16.1. მხარეები სრულად იღებენ პასუხისმგებლობას ხელშეკრულების სრული და უპირობო შესრულებისათვის.

16.2. ამასთან მხარეები სრულად იღებენ პასუხისმგებლობას მოახდინონ მიყენებული რეალური ზარალის ანაზღაურება, რომელსაც ექნება შესაბამისი დადასტურება.

16.3. „მიმწოდებლის“ პასუხისმგებლობა, ხელშეკრულების პირობათა დარღვევის შემთხვევაში, ვრცელდება არა მარტო მისაწოდებელი „მომსახურების“ ფარგლებში, არამედ „შემსყიდველისათვის“ იმ დანახარჯების ანაზღაურებით, რაც აუცილებელი იქნება მის მიერ სახელმწიფო პროგრამის აუცილებელი შესრულებისათვის.

17. ხელშეკრულების სხვა პირობები

17.1 ხელშეკრულებაში ცვლილებების შეტანა ხდება მხოლოდ მხარეების მიერ წერილობითი შეთანხმებით და ფორმდება ხელშეკრულების დანამატის სახით, რომელიც წარმოადგენს ხელშეკრულების განუყოფელ ნაწილს.

17.2 „მიმწოდებელს“ არ აქვს უფლება „შემსყიდველის“ წერილობითი თანხმობის გარეშე მოახდინოს მესამე პირისათვის უფლებების გადაცემა.

17.3 ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები, გარდა „სახელმწიფო შესყიდვების შესახებ“ საქართველოს კანონის, საქართველოს სამოქალაქო კოდექსით და კანონქვემდებარე აქტებით განსაზღვრული შემთხვევებისა.

17.4 ხელშეკრულების შეწყვეტა შესაძლებელია 2014 წლის სახელმწიფო პროგრამების დამტკიცების შესახებ საქართველოს მთავრობის დადგენილების შესაბამისად.

17.5 ხელშეკრულების შესრულების შეფერხების შემთხვევაში მხარეები დაუყოვნებლივ წერილობით აცხობინებენ ერთმანეთს და ღებულობენ ერთობლივ გადაწყვეტილებას.

18. ხელშეკრულების შესრულების კონტროლი

18.1. „მიმწოდებლის“ მიერ ნაკისრი ვალდებულებების შესრულებაზე და შესაბამისად „მომსახურების“ მიზნობრივად გატარების შესახებ „შემსყიდველი“ უფლებამოსილია:

18.1.1. უშუალოდ განახორციელოს ხელშეკრულების შესრულების კონტროლი, რომელიც შეეხება ყოველთვიური „მომსახურების“ პერიოდს (ან „მომსახურების“ დასრულებულ ციკლს).

18.1.2. არ აანაზღაუროს ხელშეკრულების შესრულების კონტროლის შედეგად არაკორექტულად მიჩნეული გაწეული „მომსახურების“ ხარჯები მოქმედი კანონმდებლობის ფარგლებში.

18.2. ხელშეკრულებით გათვალისწინებული საანგარიშგებო დოკუმენტების ინსპექტირების ვადა საანგარიშგებო დოკუმენტაციის წარდგენიდან არაუმეტეს 22 სამუშაო დღე.

19. ხელშეკრულების მოქმედების ვადა

19.1. ხელშეკრულება შედის ძალაში მხარეთა მიერ ხელშეკრულებაზე ხელის მოწერის თარიღიდან.

19.2. ხელშეკრულების მოქმედების ვადა განისაზღვრება 2015 წლის 31 იანვრის ჩათვლით.

19.3. ურთიერთობა მხარეებს შორის წყდება ხელშეკრულების მოქმედების ვადის გასვლის და მხარეების მიერ ყველა ვალდებულებათა შესრულებისა და დებიტორულ-კრედიტორულ დავალიანებათა დაფარვის შემდგომ.

20. დამატებითი პირობები

20.1 ხელშეკრულება დგება სამ თანაბარძალოვან ეგზემპლარად, საიდანაც ერთი ეგზემპლარი გადაეცემა „მიმწოდებელს“, ხოლო ორი ეგზემპლარი ინახება „შემსყიდველთან“.

20.2 ხელშეკრულების მონაწილე მხარეებზე ვრცელდება აგრეთვე დადგენილებით გათვალისწინებული პირობები.

21. მხარეთა რეკვიზიტები

„შემსყიდველი“

სსიპ „ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი“
მ.ასათიანის ქ. #9

საიდენტიფიკაციო კოდი 211324351

ქ. თბილისი, სახელმწიფო ხაზინა


კოდი TRESGE22

ანგარიშის # GE24NB03301100200165022

გენერალური დირექტორის

მოადგილე:

ეკატერინე ქავთარაძე



„მიმწოდებელი“

შპს „მ. იაშვილის სახელობის ბავშვთა ცენტრალური საავადმყოფო“

მისამართი: ქ. თბილისი, ლუბლიანას ქ.#2/6

ს/კ 404896644

საბანკო რეკვიზიტები: სს „ბანკი რესპუბლიკა“

ბანკი REPLGE22

ა/ა GE83BR0000010799385479

დირექტორი:

შოთა ჯოგლიძე



ბ. ა.

ბარჯის დამადასტურებელი დოკუმენტი

ანგარიშგების პერიოდი 2014 წლის _____ თვე

დაწესებულების დასახელება _____

პროგრამა/კომპონენტი -----

ხელშეკრულების N ----- თარიღი -----2014 წელი

N	კოდი	კოდის დასახელება	შემთხვევათა რაოდენობა	ერთეულის ღირებულება	სულ ღირებულება
1	2	3	4	5	6
1	1312101	ჯანმრთელობის მდგომარეობის შეფასება			
2	1312102	მხედველობის სკრინინგი			
3	1312103	სმენის სკრინინგი			
4	1312104	განვითარების შეფასება			
5	1312105	მშობლის კონსულტაცია			
6	1312106	ნევროლოგის კონსულტაცია			
7	1312107	ფსიქოლოგის კონსულტაცია			
8	1312108	განმეორებითი ვიზიტი			
9	1312109	სასკოლო მზაობის შეფასება			
10	1312110	დღენაკულთა პირველადი სკრინინგი			
11	1312111	დღენაკულთა მეორადი სკრინინგი			
		სულ თანხა			

დაწესებულების ხელმძღვანელი:

ბ.ა.

მთ. ბუღალტერი:

